

ARLeF: bant di 750 mil Euros pe segnaletiche bilengâl

I Comuns di lenghe furlane a podaran mandâ lis domandis dai 24 di Setembar. I finanziaments si daran fûr daûr dal ordin cronologjic che a rivaran lis istancis.

La cifre di 750 mil Euros e je a disposizion pal gnûf bant de Agenzie Regjonâl pe Lenghe Furlane – ARLeF, finanziât ancje dal Assessorât regjonâl aes infrastruturis e teritori, par comprâ e par instalâ la segnaletiche verticâl bilengâl talian-furlan su la fonde des normis pe tutele de lenghe furlane.

I beneficiaris dai contribûts a son i ents locâi che a operin tal teritori di lenghe furlane, daûr di ce che al specifiche l'articul 5 de leç regjonâl 15/96. Il regolament, il bant e il modul di domande si cjatin sul sît www.arlef.it.

Midiant di chescj contribûts, lis Aministrazions a podaran sostituî i cartei stradâi monolengâi cun chei bilengâi, daûr di ce che e previôt la leç regjonâl; o pûr a podaran sostituî i cartei bilengâi che no son conformis al Codiç de Strade.

Dopo vê jemplât e firmât in forme digjitâl il modul di domande di contribût, si podarà presentâlu des 10 dai 24 di Setembar aes 10 dai 25 di Otubar dal 2021, dome cuntune PEC ae direzion arlef@certgov.fvg.it. I Comuns a podaran partecipâ sedi in forme individuâl che tes formis associativis previodudis dal ordenament. Il contribût al sarâ concedût dentri di sessante dîs de presentazion de domande, daûr de procedure a sportel, intal limit des risorsis a disposizion. Par chest, a 'nt podaran gjoldi dome i ents locâi che a varan presentât domande par prins.

La dirigence de ARLeF e à pandût la sô sodisfazion par une iniziative che di une bande e puartarà a regolarizâ la segnaletiche stradâl che e esist za, e di chê altre e varà efietis impuartants ancje a nivel economic pes aziendis dal setôr che a lavorin sul nestri teritori, dopo cuasi doi agns di dificoltàs puartadis de pandemie.

Udin, ai 21 di Setembar dal 2021

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / e-mail: arlef@caltpr.it

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<